

III. Epistola scripta à Raymundo Vieussens Doctore medico Monspeliensi ad Clarissimos Viros Societatis Regiae Londinensis, de Sanguine Humano.

VIRI CLARISSIMI,

CUM mihi Rex ob edita in Lucem opera quædam medica pensionem annuam Librarum mille ad vitam die vigesima tertia Mensis Septembris Anni 1688. liberaliter concessisset, egoque tanto beneficio vehementer, ut par erat, commotus essem, nihil mihi prætermittendum esse existimavi, ut ne principis omnium maximi favore, atque gratiâ indignus videri possem. Quamobrem publicæ salutis studio magis ac magis accensus statim cœpi quantùm potui temporis mihi, meisque rebus subducere, ut me totum conferrem ad amplam, accuratamque morborum internorum historiam contendam, non eam nudam, & ad curiositatem tantum compositam, sed causarum, nec non symptomatum explicationibus in mechanica humani corporis structura fundatis, & assiduis meis, jam ab annis fere triginta, humenorū corporum in xenodochio Monspeliensi dissectiōnibus ornatam & constitutam.

Magnum sanè, arduum, & stupendum, ut ita dicam opus, quod cùm fere tribus abhinc annis recognovissem, & æqua Lance perpendissem, corrigendum, augendumq; ratus sum ; imò statuendum, & clare demonstrandum in ipso limine operis, quæ sit essentia, quæ vis eorum corporum, quibus sanguis constat, tum quod mājus est, quæ tandem inter illa reperiatur proportio quantitatis, quod nisi ante omnia essem assecutus, in ipsa humani temperamenti naturâ ; differentiis, causis, signis, effectibus,

bus, & mutationibus cognoscendis frustrà omnino, mè quidem sententiâ, elaborarem.

Relictâ igitur ad tempus, Viri Clarissimi, interiorum corporis morborum historiâ, in sanguine contemplando curas omnes meas, & cogitationes ita defixi, ut nullo modo mihi priùs quiescendum putarem, quâm totam li- quoris illius naturam penitus attigissem, ipsisque, ut ita Loquar, oculis omnium subjecissem partes ejus omnes, partiumque omnium essentiam, qualitates, & gravitates respectivas, atque adeo naturalem unius cujusque ipsarum quantitatem (corporum autem quantitatem sui grava- te, & pondere metior siquidem quantitas, non apparens quidem & sensibilis, sed realis & physica ponderi semper ex œquo respondet). Quamvis enim summa difficultate operis admodùm terrerer ; tamen tentandi gloriâ, studi- oque boni publici adhuc vehementius commovebar ne- que inanis spes, aut irritus conatus fuit ; nam (quod Dei profectò gratia est) Clarissimi Boylæi nunquam satis lau- dandi vestigiis in hoc suscepto meo insistendo, & ulterius quâm ille progredi, si possem, conando, quod diu, mul- tumque optaveram, vixque sperare ausus eram, id tan- dem, quamvis non sine gravibus longisque laboribus, con- secutus sum. Quò jam chymici, medicique illi (absit verbo invidia) prorsus errasse mihi videntur, qui illud quod è sanguine sal elici solet, merum sal acre, seu alka- linum esse, nullaque industriâ verum sal acidum ex illo educi posse hactenus crediderunt. Ii pariter tum chymi- ci, tum medici erravere, qui eam, quam à natura partes vivifici hujusmodi liquoris inter se habent, proportionem quantitatis nullâ reperiri posse arte ab elapsis tot seculis judicaverunt.

Evidem scio, & fateor sal sive volatile, sive fix- um ignis vi extractum è sanguine fermentationem, quod ajunt, cum fluoribus quibus vis acidis eti- am mitioribus pati : prætereà id ipsum sal sublimateum corrosivum dissolutum præcipitat, & syrump

violaceum viridem facit, ut nemo nescit, adeòque multas salino-acres, seu alkalinas habet particulas, quibus hæc præstat; sed salinas quoque acidas non paucas complectitur, ut adducendis modò in medium experimentis conflabit certo certius: Quamobrem illud esse à natura sua verum corpus salsum exploratum deinceps omnibus erit, ac cognitum, nec non extra omnem omnino controvèrsiam posituni. Corpus salsum, cum dico, conflatum intelligo ex partibus quidem salino-acribus & salino-acidis, sed salino-acribus longè pluribus: ex quo illud consequens est, ut integrâ inviolatâque naturâ salino-acidæ majore salino-acriū copiâ ebrutæ, & quaestilepultæ delitescant.

Cùm Sal acidum, sub forma silicet spiritus acidi erere vellem, si fortè possem; è falso sanguinis, quod jam diu in innatum, & adventitium, seu ab alimentis potissimum suppeditatum divisi, ut cap. 22do libri mei de principiis fuse nec non clare explicui: libras quinquaginta ejusmodi liquoris priùs ceneo in vase ignis vi, quantùm par erat exsiccati per totas viginti quatuor horas in fornace figuli torrui, seu, ut aiunt calcinavi; adeòque illas ad tres uncias, & drachmas septem cineris griseacei redegi: ex hoc cinere gustui valdè aspero, cum spiritibus acidis fermentescente, & tincturæ floram makæ viridem colorem inducente lixivium confeci, ex quo unciam unam salis fixi candoris penè nivei eduxi: Salis illius, quod, ut supra dictum est, cum omnibus spiritibus acidis fermentebat, sublimatum corrosivum dissolutum præceps agebat, & syrum violaceum colore viridi tingebat, septem drachmas, & quadraginta duo grana tribus circiter uncii boli siccissimi admiscui: ex mixto hujusmodi retortâ luto munitâ inclusò igne, ut aiunt reverberii extraxi semiunciam & grana octodecim spiritus colorem spiritus sulphurei quodammodo imitantis, & ipso spiritu aceti acidioris linguæ judicio.

Spiritus ille plurimum fermentatur non solùm cum oleo, & sale fixo tartari, verùm etiam cum sale sive fixo,

sive volatili, & subrufo spiritu, quæ ignis vi extrahuntur è sanguine. Præterea ipsem spiritus rubefacit syrumpum violarum, tinturam heliotropii & florum maluæ. Quare liquido constat sal ex sanguine humano extractum debere credi verum falsum; id est falsum ac quoddam acreacidum. Quod omnia inter salsa perfectam cum solo sale fixo tartari, en nullam cum sale marino, sive odore, sive sapore, sive dentium stupefaciendorum vi, sive aliis quibusvis effectibus suis similitudinem habere videtur, ut experientia demonstrat. Unde patet ulterius extractiōnem salis acidi ex eodem sanguine difficultem adeò hactenus ab omnibus existimatam re ipsa fieri, si docta, peritaque manus non desir.

Extracto & quasi per vim anulso spiritu illo, de quo jam dixi, ex intimis visceribus salis fixi, ubi conclusum, penitusque obrutum latitabat, sub forma solidi quidem corporis, sed tamen in partes exiguisimas divisi, confectum est à me lixivium è residua in fundo vasis materiâ, ex quo binæ drachmæ cum dimidia, & grano uno salis fixi grisacei subalbescens eductæ suere: istud sal cum nullo liquido acido, saltem ad sensum fermentescerat, si oleum vitrioli excipiatis; id tamen ut sal acre, sive alkalimum purum, aut ferè purum spectandum est; quoniam ad id, quod jam particulas suas salino-acidas omnes, vel fermè omnes depositit, accedit istud præterea, quod syrupo violaceo prius non nihil excalefacto, & tinturæ florum maluæ viridem tribuit colorem, sublimatum corrosivum dissolutum præcipitat, & cum oleo tartari nullo modo fermentatur. Adde quod nec vel tantillum immutat colorem tinturæ heliotropii, quam tamen acida omnia cum solida tum liquida rubefaciunt.

Quodam elapsio Tempore, postquam è fixo sanguinis humani sale spiritum acidum elicuisse, viridis recordatus sum coloris, quem assumperunt ultimæ guttæ spiritus subrufi hujusmodi liquoris, cum illum à duobus jam elapsis annis ex alembico æneo distillarem. Viridis au-

tem, planèque porraceus color gutterum illarum subrufi spiritus sanguinis, mēa quidem sententiā, suam ducebatur originem ē quibusdam vitrioli particulis salino-acidis ignea vi ex ære alembici avulsis, & ipsis intimè admisit: cum primum recordatio hujuscce coloris animum subrepisset; hæc non levem mihi peperit anxietatem; quoniam per hunc casum, quem verissimum etiam atque etiam testor, vix dubitare mihi licuit, quin sanguis à me in vase æneo exsiccatus, antequam in fornace figuli torreretur, permultas ex ære-igne avulsa parts vitrioli salino-acidas intra textūm suum interius admisisset, quæ cum partibus ejus salino-acribus strictissimo ne dicam indissolubili nexu copulatæ falsum efformaverant corpus, ē quo spiritus meus acidus elicitus fuerat.

Cùm hæc apud me, anxius sanè, aliquandiu meditatus essem, & multūm dubitarem an ex sanguine humano, qui nullo extraneo sale acido gravidus esset, liquor acidus educi posset; rei tanti momenti veritatem indagare, & meum, si quis esset, errorem detegere statui. Quamobrem salis fixi ē sanguine humano à me in vasis figulinis exsiccato eruti unciam unam exactissimè miscui cum unicis tribus boli siccissimi, & tenuissimum in pulverem redacti: mixtum hoc in retortam luto, uti solet, obductam immisi; hanc deinceps in chymica mea officina reverberii furno imposui, & cervici ejus adhibito, aptatoque excipulo, atque juncturis vesicâ suillâ madefactâ opertis, & rite obturatis, igne primum lento, ac deinceps gradatim, quantūm oportebat, aucto phlegmatis drachmam semisistem cum granis decem extraxi, drachmas verò tres spiritus acidi primum extracto spiritui prorsus similis: Hicce spiritus dentes plurimūm stupeficiens gustus judicio inter liquores omnes acidos ferè acidissimus mihi videtur, & omnes omnino habet dotes, quas spiritum acidum primò ē sanguine elicium habere diximus. Felicissimus hic meditationum mearum laborumque meorum successus qui totam mentem meam blandâ profestò lœtitiâ perfudit, imple-

implevitque, concepta omnia circa extractionem salis acidi è sanguine dubia mihi abstulit penitusque delevit.

Demum è residua in fundo vasis materia lixivium confeci, ex quo drachmas quinque salis fixi subalbescentis extraxi. Hinc manifestè patet me totum non elicuisse spiritum acidum, quem elicere potuisse è sale fixo, quod una cum bolo in cavitatem retortæ intruseram. Id autem ex animo sic factum est, ne scilicet sal fixum, cuius analysin rursus institueram, omnibus suis partibus salino-acidis prorsus exveretur. Et verò illud omni suo sale acido exvere nolui exploraturus subinde an quodammodo discreparet à sale fixo, è quo primum spiritum acidum eduxeram, imò & tantùm eduxeram, quantum expeditare potuerat. Verùm nullum omnino inter bina hæc salia discrimen observare licet. Siquidem ambo levem colorem viridem prorsus similem tribuunt tincturæ florum maluæ; & licet nullam, saltem sensibilem, patiantur fermentationem, cum spiritus nitri, aut vitrioli, aut quivis alias hujuscce generis ipsis affunditur; vehementer tamen & æqualiter fermentescunt, cum unâ vel alterâ olei vitrioli guttâ irrigantur. Ex his certo certius patet sal fixum sanguinis humani in vase æneo exsiccati, è quo primâ vice spiritum acidum extraxeram, nullis partibus vitrioli salino-acidis gravidum fuisse; proptereaque nequaquam dubitandum est, quin prima Spiritus acidi è sanguine humano extractio undequaque vera extiterit.

Venit vobis fortasse hoc loco in animum, viri clarissimi, sal acre-acidum, & spiritum acidum educta è sanguine non trahi ex hoc liquore virtute ignea, sed ex igne ipso, tanquam è materia, nunc primùm gigni, ac effici: sed experto credite. È sanguine persæpe ipsem et puro calentis solis ardore elicui subrufum sal saporis illo acrioris, qui in sale ignis vi extracto percipitur, quam majorem,

ut ita dicam, acritudinem continuò aciditas linguæ manifesta subsequitur: ac prioris quidem experimenti hæc ratio est, quod sol illius salis acumina parum, ignis vero multum obtundit; posterioris autem hæc, nimirum quod sal acidum volatile, cujus vi sanguis naturaliter fermentescit arctissimè copulatur cum particulis salino-acribus sanguinis ipsius paulatim refrigerescens ubi è vasis suis emulsius est: Hi porro diversi sales mutuo implexi difficilis longè à se invicem separantur calore solis benigno & dulci, quam violento ignis ardore. Hinc fit, ut sal illud, de quo nunc Sermo habetur, acre acidum fäpiat, & vix cum spiritibus acidis fermentetur, si vitrioli oleum excipiatis.

De variis, quibus sanguis constat, corporibus nihil hic dicam, viri clarissimi, cum propediem integrum hujus liquoris analysis toto triennio elaboratam in lucem daturus sim. Nunc tantum accipite quā viā, quibusve adjumentis consecutus sim tandem justam illam, nec non exactam proportionem quantitatis, quam corporibus illis natura tribuit.

Primum igitur non unius aut alterius hominis sanguinem, sed multorum, eorumque non sanorum modò, sed ægrorum, non ejusdem, sed diversi ac dissimillimi temperamenti ad exactas analyseos regulas ita examinavi, ut ejusmodi liquoris principia, alia ab aliis, separaverim, & quidem absque ullâ substantiarum jacturâ. Operosum profectò negotium, & molis non parvæ, sed felicitè tam meditando, vigilando, sudando tandem consecutum. Illud igitur tantum videbatur jam esse reliquum ad habendam quantitatem respectivam illorum corporum, ut singula seorsim revocarem ad trutinam; sed profectò plus aliquid requirebatur. Phlegma enim, spiritus subrufus, & oleum fætidum secum partes salinas trahunt, quas neque separare licet, adeoque nec ponderare. Phlegma igitur quoddam excogitavi, & composui omnimodam habens

habens similitudinem cum verò phlegmate sanguinis, quod deinceps appellabo naturale, quamvis arte chymica extractum, miscui videlicet pondus dimidii grani salis volatilis è sanguine humano educti cum duodecim uncias aquæ fontanæ distillatæ : Ac quamvis duæ illæ moles ita inter se essent undecim mille quinginta viginti quinque ad unum, tamen aqua tota sic salis tantilli vim sensit, ut statim quidem levissimum candorem, & exiguissimum fætorem quemdam induerit ; mixta verò cum syrupo violaceo ipsum post aliquot horas viridem effecerit, & sublimatum corrosivum dissolutum præcipitaverit.

Hinc mihi primùm oborta ingens admiratio naturæ materiam ultrà quam credi potest dividentis ; deinde spes bona inveniendi quæsitum phlegma. Nec secessit spes ; molitus enim multa nequicquam animadverti denique duodecim uncias aquæ fontanæ evadere omnino similes colore, odore, sapore, & substantiæ modo phlegmati sanguinis naturali, si ejus, quod dico salis granum unum cum quadrante intra illas dissolvatur. Verum quo magis illam binorum hujusmodi phlegmatum similitudinem explorarem ; sumpsi utriusque moles duas perfectè æquales, quas affudi seorsim duabus æqualibus inter se mobilis tinturæ florum maluæ inclusis seorsim duobus vasculis vitreis æqualis prorsus diaphaneitatis, magnitudinis, & figuræ : tum verò utrique tinturæ viridis color repente accessit, & quidem alter alteri adeò similis, ut nihil omnino esset, vel certè deprehendi posset, inter utrumque discriminis. Ad hæc sumpsi ejusdem utriusque phlegmatis guttas duodecim, quas singulas immiscui singulis viginti quatuor guttis sublimati corrosivi dissoluti contentis item duobus vasculis vitreis ejusdem prorsus diaphaneitatis, magnitudinis, & figuræ, ecce autem eæ sublimati corrosivi guttæ omnes eodem penitus ad sensum candore, lacteo scilicet affectæ visæ sunt, atque mox in pulverem candidum æqualem æqualiter præcipitatæ.

Pater

Patet igitur luce clarius illa phlegmata ita esse inter se paria, ut nihil magis; quare cum artificiale phlegma unum tantum habeat salis volatilis granum cum quadrante, naturale duodecim unciarum tantumdem quoque habet in se, nec plus, nec minus.

Quoniam verò arte natura rimanda est, & notis ignota investiganda; per confessum industriâ spiritum quemdam subrufum aggressus ad indagandum salis volatilis quantitatem spiritui subrufo naturali ingenitam; post multa prius frustrà tentata, repetitaque experimenta tandem animadverti ex viginti septem granis salis volatilis sanguinis in drachma una phlegmatis ejus dissolutis existere liquorem colore, odore, sapore, modoque substantiae penitus similem subrufo sanguinis ipsius spiritui, qui nihil est aliud, quam phlegma gravidum sale volatili, & propter acuminatas salis ejusdem particulas, & paucum sibi admixtum sulphur, asperum & graveolens, imò & idoneum ad effectus infra memorandos.

Plenam porrò, atque perfectam in omnibus inter illos duos liquores (quorum primum artificiale, alterum verò naturalem spiritum subrufum appello) similitudinem probare volens in singulas duas eorum moles æquales vitreis scyphis contentas injeci quatuor guttas spiritus vitrioli; unde æqualis omnino ex utraque parte secuta est fermentatio: deinde in duos scyphos vitreos diaphaneitate, magnitudine, atque figura pares, quorum uterque viginti guttas tincturæ florum maluarum continebat, utriusque liquoris guttas quinque instillavi; unde statim extiterunt in utraque tinctura pulcherrimi colores duo virides smaragdi instar, & ita similes, ut quantumvis intentos oculos grato errore deciperent. Denique guttas sex unisclusque spirituum eorumdem in vascula duo infudi, quorum singula quadraginta guttas sublimati corrosivi dissoluti habebant; unde duo emerserunt colores candidi perfectè

fectè similes, peractaque prorsus similis præcipitatio in pulverem coloris candidi aliquantulum rufi.

Ex jam dictis perspecta penitus, nec non explorata manet omnimoda similitudo inter duos spiritus subrufos supra memoratos; artificialem nempè, atque naturalem: Quamobrem quantum una drachma artificialis spiritus continet in se salis volatilis sanguinei (continet autem grana viginti septem) tantum præcisè quælibet drachma spiritus illius naturalis finu suo complectitur.

Dum perfectam cognitionem quantitatis salis, quod oleum fætidum sanguinis ex alembico vitro distillati secum aufert, mihi comparare meditabar, ejusque indagationem velut opus ingenii mei viribus prorsus impar, & à me nunquam conficiendum spectabam sciens industriâ nullâ componi posse oleum fætidum artificiale, quod suscepto meo prodeesse posset, uti phlegma, & spiritus subrufus arte facta huic antea profuerant; peculiaris fætidi ejusmodi olei analyseos instituendæ animum subiit cogitatio, ut salis ejus quantitatem, si fieri posset, detegarem, quæ sola mihi deregenda supererat, & cuius dignoscendæ, ut, quod res erat, dicam ardenti flagrabam desiderio. Voluit, fecitque deus, ut ad vota mea responderet eventus.

Peculiarem igitur paucō abhinc tempore olei fætidi sanguinis analysin institui; & cuncta certè facta fuere, atque processere, ut mox dicturus sum: hujuscce olei unciam unam cum uncisiis tribus boli siccissimi, & in pulverem subtilissimum redacti exactissimè miscui: mixtum illud in globulos exiguos divisum in parvam retortam luto munitam intrusi; eamque deinceps retortam, cervici ejus convenientis magnitudinis excipulo, ut decebat adhibito, aptatoque, in furno reverberii collecavi, factisque ritu solito reliquis faciendis, igne lenissimo drachmam remissim cum granis decem phlegmatis limpidi à bolo sup-

peditati primum elicui ; mutatoque excipulo, statim atque prima gutta spiritus subrufi sese mihi in conspectum dedit, & altero in locum illius substituto utque par erat concinnato, unciam semissem cum drachma semisse & granis duodecim spiritus subrufi spiritui subrufi artificiali superius memorato prorsus similis igne pauculo intensiori quam antea eduxi ; post modum olei colore, modoque substantiae omnimodam similitudinem habentis cum bile intra vesicam felleam naturaliter recondita drachmas duas & semissem cum granis viginti & uno igne intensissimo erui. Antequam ulterius progrediar hic obiter notari velim, id discriminis esse inter spiritum subrufum & oleum, de quibus nunc agitur, quod spiritus, ut pote solum est phlegmate salseque conflatus, ignem extinguit, ut patet dum illius guttae quaedam carboni accensio affunduntur ; oleum vero, quippe quod sulphureis & salinis tantum partibus constat, aequa citio ac pulvis pyrius secum accendatur, totumque in flammarum amplissimam valdeque nitidam abeat, cum primum igni admovetur.

Demum ex lixivio a me confecto est residua in fundo vasis materia grana octo extraxi salis fixi nigricantis, aeris humiditatem facile suscipientis, & linguam vehementer exasperantibus, atque pungentibus, quod cum spiritibus acidis fermentescet, & tincturam florum maluae viridem efficiebat. Ex jam dictis faciliter atque manifeste colligi potest unciam illam fetidi olei sanguinis, cuius analysin exactissimam institui, novemdecim tantum grana terrae continere, quem cum bolo mixta remansere.

Et vero cum inter spiritum subrufum ex oleo fetido sanguinis elicatum, & spiritum subrufum tum artificalem, tum naturalem, de quibus antea sermonem habui, nec colore, nec odore, nec sapore, nec substantiae modo,

nec

nec effectibus ullis aliquid intersit discriminis, ad firmiter credendum adducor unumquamque spiritus subrufi de quo nunc agitur, drachmam, ut & drachmam quamlibet spiritus subrufi naturalis è sanguine ipso eliciti, grana viginti septem salis continere. Quod attinet ad quantitatem salis impliciti, nexusque indissolubili copulati cum rariois particulis olei ex oleo fætido liquoris humanae viæ fontis educti; hæc facile, meo quidam judicio, detegi potest; etenim cum hocce oleum fætore & acrimoniâ prorsus iminetur spiritum subrufum, qui ex eodem, quo ipsomet, oleo fætido sanguinis educitur; ac præterea tincturam florum maluæ eodem planè modo viridem faciat. Necessum est, ut unaquæque illius drachma grana viginti septem salis volatilis intra textum suum interius recondat, quæ illud fætore, acrimoniâ, & qualitate illa, quâ tincturæ florum maluæ viridem tribuit colorem, prorsus simile reddant spiritui huic subrupo, qui in distillatione olei fætidi sanguinis ipsi præsit.

Habitâ ergo jam, planèque cognita ex superioribus
quantitate salis volatilis, quam sive phlegma, sive spiritus
subrufus, sive oleum fætidum humani sanguinis secum
ferunt, cùm distillantur, nemini prorsus jam posse
est esse, nondicam ignota, sed ne dubia quidem ullo-
modo justa illa proportio ponderis, seu quantitatis, quæ
à natura inter ea inest corpora, quibus sanguis humanus
constat separari enim à se invicem protecto possunt,
& quidem sine ullâ imminutione substantiæ: Separavi
enim ipse successu planè felici: possunt pariter semel
separata ponderari adeoque justa singulorum quantitas
ex pondere haberi potest, eâ scilicet cautione adhibitâ,
ut pondus salis phlegmate, spiritu subrupo, & oleo fæti-
do è sanguine elicitis contenti ponderi salis volatilis,
& fixi ex eodem liquore sub forma corporis solidi

eductorum semper adjiciatur; èa namque ratione verum pondus, adeòque vera proportio quantitatis singulorum humani sanguinis principiorum facilè haberi poterit, ut fusè planeque explicare conabor in eo, quem ad publicam lucem paro, tractatu inegro de sanguine, cui comitem addam de temperamento hominis tractatum quoque integrum.

Audire vos hoc loco mihi videor, Viri Clarissimi, quibus, si datum esset mortali scire omnia, nihil esset non notum (tanta estis mentis acie, tanta sagacitate ingenii) audire vos inquam mihi videor, sic fortasse objicientes. Sal extractum è sanguine, ac præser-tim volatile scitidum est; retinet igitur in se sulphureas multas particulas, quarum nec pondus, propterea nec vera potest haberi quantitas; quamobrem nondum omnia fecisti, aut dixisti ad demonstrandam illam, quam jam diu queris, proportionem quantitatis necessaria, sed quædam ad eam rem valde pertinentia prætermisisti? istud quidem doctè atque appositiè à vobis mihi obiectum fateor. Verum quod in sale sanguineo reperi-tur sulphuris ita exiguum est, ut nullius momenti esse videatur. Qua tamen de re plura, eaque, ut spero, ad cuiilibet satisfaciendum idonea, dicam in meo de sanguine tractatu. Intereà ne quid vobis subrepatur dubii circa ea, quæ superiùs attuli experimenta; sic habete me coram testibus cùm illustribus, tum etiam eruditissimis, omnique adeo exceptione majoribus gessisse omnia non sine aliqua, quod commemorare meum non est, omnium laude: Primum quasi privatim coram multis me-dicis peritâ & probitate insignibus; tum coram illustrissimis præfulibus; Archiepiscopo nempè Albiensi, & Episcopis Tomeriensi, Mirapiscensi, Nemausensi, Mimatensi, Vaurensi, & Alesensi, & coram Domino de Basville Regi à consiliis ordinariis, & occitaniz missis domi-

dominico de me præclarissimè merito, Domino de la Loubere, aliisque non paucis viris ingenio, & nobilitate præstantibus ; deinde palam, & in publica amphitheatri medici Monspeliensis luce, in oculis clarissimorum medicinæ professorum, omniumque scholæ medicæ auditorum, aliorumque gravissimorum, & dignissimorum spectatorum.

In hoc frequenti certè & per celebri concessu visum præterea est pauca referre de instituta tribus circiter abhinc annis peractaque accuratè à me bilis analysi. Quinta enim decima die mensis Februarii, anni 1696. ex ea prodire coegi phlegma quoddam ita limpidum, atque pellucidum, ut inter liquida nullum magis deinde liquorem lacteum instar lactis ipsius candidum eliciui, tum alia quædam corpora, quæ hic prætero ; demum obtutibus omnium circumstantium illud exposui Phlegma, & aquam illam lacteam, quæ penes me adhuc est integra, & omnis expers corruptelæ, sed non jam ejusdem candoris : Magna mihi apud me ipsum de hujusmodi aqua fuit questio, eoque tandem meditando adductus sum, ut planè crederem chylum ex bile in tenuibus intestinis diffusâ volatile haurire Sulphur onustum sale acri similiter volatili partibus suis salino-acidis ferè exuto, adeòque admodum leni ; nec dubitavi asserere sulphure illo sale acri-acido lenissimo gravido, ac velut condito chylum albescere, disponi ad fermentendum in cavitatibus cordis, & ad formam sanguinis facilius accipiendam præparari. Unde consequens est bilem ab hepate ad intestinum duodenum choledochi meatus interventu naturaliter amandatam novum singulis diebus, extra omne dubium, suppeditare fermentum mastæ sanguineæ, quod nativis illius fermentis (dummodo ipsa naturalis ab indole sua non desciverit) vigorem inspirat, & eorum jaæturas reparat ; atque adeò fer-

fermentationis naturalis ejusdem liquoris perennitati mirum in modum conierts. Quam mentem meam, si non penitus certam, admodum certè probabilem sequenti experimento confirmavi. In drachmam unam bilis tepidae recens è vesica fellis vervecis extractæ, & iatra collum infundibuli vitrei contentæ uncias octo aquæ fontanæ imbutas exiguo vitrioli spiritu injeci ; statimque aqua illa albedinem alicump sit sere lacteam, majorem assump-
tur, si quatuor salis absynthii grana ipsi admiscuntur. Postquam vero experiendi finem feci monui quod prius compereram, nimirum phlegma quodam elicium ex pane, quod secum auert in distillatione sal acidum volatile, si, qua par est, copiâ in bilem projiciatur, lacteam quamdam soliditatem, lacte-
amque colorem accerfere.

Illud phlegma tinturam heliotropii, & florum malæ rubefacit ; sed, quod majus est, rufus panis ejusdem spiritus cum sale tum fixo, tum volatile sanguinis diutius fermentescit ; quam quivis alias fluor acidus. Unde maximum, ne dicam inexpugnabile desumitur argumentum dicendi magnam expane, quo potissimum velicitur homo, salis acidi copiam educi, ut fuse alibi explicabitur, quod una cum acidò nitro aëreo jam jam memorati liquoris fermentationi excitandæ, atque sustinen-
dæ plurimum conducit.

Quid cogitem ego, quid sentiam de morbis profectis a bile malè temperata defluente in primum gracile intestinum, neque h̄c est dicendi locus, neque, si esset, dicerem tamen. Sentio enim tandem, Viri Clarissimi, certè seriùs quam decebat, me illectem, atque abrepsum summa colloquendi vobiscum jucunditate venisse sensim in oblivionem officii, & illud ipsum fastidium vestrum, quod initio scribendi cavere imprimis decreveram, post modum tamen longiori epistolâ incurrisse.

Accedit

Accedit quòd majorem partem vendicare mihi non sum
verius temporis illius, quod vobis, & saluti publicæ
debetis, ac redditis. Facti pœnitent. Vos pro ea, qua
nati estis, tum humanitate, tum honestate summa, nō
noscite mihi servo vestro humillimo, & facite quæsio, ut
vestrum omnium ad me veniat iudicium; de cunctis in
medium hactenus à me allatis, quæ diligentí vestro exa-
mini (qui meus est honos) Iubens subjicio: si vestro mi-
hi videantur digna calculo, hæc, pro magno quo apud
me numero estis, velut principia nunquam diruenda, at-
que adeò ipsim̄ temporibus futuris semper cœva fu-
tura spectabo: sin è contra id consequantur infortunii,
ut nobis non probentur, quin potius nauseam pariant ea,
ut potè publicâ lucis usurâ prorsus indigna, lethæi flu-
minis undis submergi velim. Valere.

*Monspelii, die sexta
mensis Junii, anni
1698.*